



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-163-4/22**
Datum: **06.06.2022. godine**

«Agencija za vodno područje rijeke Save» rješavajući po zahtjevu Hodžić (Alije) Muniba iz Breze za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata zanatskog tipa: Klaonica sa preradom mesa, depo za privremeni smještaj stoke i prostor za skladištenje kože izgrađenog u ul 6. aprila, općina Breza, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola Hodžić (Alije) Munibu iz Breze za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata zanatskog tipa: Klaonica sa preradom mesa, depo za privremeni smještaj stoke i prostor za skladištenje kože izgrađenog na desnoj obali rijeke Stavnje u ul 6. aprila na zemljištu označenom kao k.č. broj: 898 i dio 1044 K.O. Breza, općina Breza.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog kompleksa objekata vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se odmah, trajno i hermetički blindira ispust/preliv iz septičke jame u rijeku Stavnju kao i ispust evidentiran uz isti, redovno kontroliše zaptivenost blindiranih ispusta čime bi u potpunosti bilo onemogućeno ispuštanje tehnoloških i ostalih otpadnih voda u prirodni recipijent.
 - 2.3. Da se u toku važenja ovog Rješenja, na dvorišnom platou (u neposrednoj blizini septičke jame), postavi rešetka na mjestu ispusta putem kojeg se oborinske vode sa platoa odvođe u oborinsku kanalizacionu mrežu a potom ispuštaju u rijeku Stavnju.
 - 2.4. Da se tehnološke otpadne vode nastale pranjem opreme, uređaja i alata koji se koristi u postupku klanja životinja i prerade mesa te pranjem podova i radnih površina prostorija za klanje i preradu mesa, pranjem poda prostorije za skladištenje sirovih koža, prikupljaju zasebnim kanalizacionim sistemom te odvođe na tretman u trokomornu septičku jamu bez preliva.
 - 2.5. Objekte koji se koriste u svrhu prikupljanja, odvodnje i tretmana tehnoloških otpadnih voda nastalih na lokalitetu kompleksa (slivničke rešetke, septička jama, kompletna kanalizaciona mreža...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.6. Čišćenje, pražnjenje i održavanje septičke jame te skladištenje i konačno zbrinjavanje sadržaja iz iste, može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu taloga iz septičke jame kao i preuzimanje animalnog i ostalog otpada.
 - 2.7. Da se odlaganje i čuvanje sirovih koža vrši u betonskim nepropusnim bazenima u prostoriji sa ugrađenim podnim slivnikom za prihvrat i odvod u septičku jamu otpadnih voda nastalih pranjem poda te prostorije.
 - 2.8. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog opasnog i neopasnog otpada sa kompletnog kruga kompleksa objekata, isti propisno skladišti do njegovog konačnog zbrinjavanja od strane ovlaštene organizacije.
 - 2.9. Da se prakticira suho čišćenje podova i opreme prije pranja vodom kako bi se uklonile organske nečistoće sa radnih površina, trošilo manje vode za pranje i smanjilo zagađenje voda. Koristiti sredstva za pranje koja su prikladna okolinskim zahtjevima.

- 2.10. Da se krv nastala u prostorijama objekta klaonice i prerade mesa skladišti u posebnom spremniku do konačnog zbrinjavanja. Trajnu dispoziciju riješiti prema uputama i u saradnji sa nadležnom veterinarskom inspekcijom.
 - 2.11. Da se animalni/klaonički otpad koji nastaje u procesu klanja i obrade mesa redovno odstranjuje iz proizvodnog procesa, odlaže u kontejnere propisane za tu vrstu otpada i u saradnji sa ovlaštenom institucijom odvozi i zbrinjava u skladu sa važećim propisima a prema ugovoru sklopljenom sa istom.
 - 2.12. Otpad nastao u postupku prerade mesa kao i ostali opasni i neopasni otpad, se ne smiju ni privremeno odlagati na česticu «vodno dobro», odnosno u rijeku Stavnju i na njene obale.
 - 2.13. Da se đubrivo i osoka nastali u objektu za privremeni smještaj stoke, redovno sakupljaju u odgovarajućoj vodonepropusnoj sabirnoj/đubrišnoj jami, koja će se periodično prazniti u svrhu đubrenja poljoprivrednog zemljišta.
 - 2.14. Da se spriječi nekontrolisano rasipanje tečnog i krutog otpada (osoka i đubrivo) po dvorišnom platou i okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse, a u cilju zaštite podzemnih i površinskih voda.
 - 2.15. U skladu sa propisima iz oblasti zaštite okoliša vršiti bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 2.16. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 17. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom kompleksu objekata obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog kompleksa objekata dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Hodžić (Alije) Munib iz Breze dana 06.04.2022. godine obratio se ovoj Agenciji sa zahtjevom za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata zanatskog tipa: Klaonica sa preradom mesa, depo za privremeni smještaj stoke i prostor za skladištenje sirove kože

izgrađenog na desnoj obali rijeke Stavnje u ul. 6. aprila na zemljištu označenom kao k.č. broj: 898 i dio 1044 K.O. Breza, općina Breza.

U provedenom postupku dostavljena je i pregledana sljedeća dokumentacija:

- Ovjerena kopija lične karte Hodžić (Alije) Muniba,
- Kopija Rješenja o vodnoj dozvoli broj: UP-I/25-3-40-682-4/19 izdatog dana 26.02.2019. godine od strane «Agencije za vodno područje rijeke Save» Sarajevo,
- Ovjerena kopija Rješenja o odobrenju za građenje - adaptacija i rekonstrukcija izgrađenog objekta klaonice za klanje preživara, preradu mesa i čuvanje kože broj: 12-23-1669/04 izdatog dana 25.10.2006. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (izdato za Hodžić Muniba i Amira),
- Kopija Rješenja o upotrebi građevine broj: 12-23-5982/06 izdatog dana 09.01.2007. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (izdato za Hodžić Muniba i Amira),
- Kopija Rješenja o okolinskoj dozvoli broj: 12-23-10209/19 izdatog dana 07.12.2020. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodoprivrednoj saglasnosti broj: 05/07-25-1811-2/06 izdatog dana 08.08.2006. godine za rekonstrukciju i adaptaciju poslovnog objekta namjene klaonice, prerada mesa i čuvanje kože od strane Ministarstva za poljoprivredu, šumarstvo i vodoprivredu Zeničko-dobojskog kantona (izdato za Hodžić Muniba i Amira),
- Kopija Rješenja za obavljanje vezanog obrta u izdvojenom poslovnom prostoru u Brezi broj: 02/1-6-21-1392/19 izdatog dana 20.11.2019. godine od strane Službe za privredu Općina Breza (izdato za Hodžić (Muniba) Azru),
- Kopija Rješenja o ispunjavanju propisanih veterinarsko-zdravstvenih uslova broj: 05-20-6816-2/20 izdatog dana 02.02.2021. godine od strane Ministarstva za poljoprivredu, šumarstvo i vodoprivredu Zeničko-dobojskog kantona (izdato za objekat vl. Hodžić Munib i Amir a kojeg koristi OR MESNICA «HODŽIĆ» vl. Hodžić Azra),
- Glavni projekat adaptacije i rekonstrukcije izgrađenog objekta - Knjiga I i Knjiga II za poslovni objekat klaonice sa preradom mesa urađen od strane «AQUA PROJEKT» d.o.o. Bihać (šifra projekta: PO – «OBJEKAT 1», januar 2004. godine) - na uvid,
- Kopija Ugovora o čišćenju i pražnjenju septičke jame zaključenog dana 14.02.2020. godine između Hodžić Muniba vl. Klaonice «Hodžić» i Trgovinsko uslužnog društva «SCHAFFER» d.o.o. Ilijaš (prilog: račun o čišćenju septičke jame broj: R-38/22 od 28.03.2022. godine i broj. R-80/22 od 01.06.2022. godine),
- Kopija Ugovora broj: 04/20 za prihvata i odvoz animalnog otpada zaključen 15.02.2020. godine sa Lovačkim društvom Breza,
- Kopije računa broj: 389 i 390/2022 od 25.05.2022. godine o prihvatu animalnog otpada od strane «GOLD-MG» d.o.o. Donji Žabar,
- Operativni plan za incidentna zagađenja voda i obalnog vodnog zemljišta za objekat zanatskog karaktera vl. Munib Hodžić - Klaonica sa preradom mesa, depo za privremeni smještaj stoke i prostor za skladištenje kože u Brezi urađen od strane «TZI inženjering» d.o.o. Sarajevo, februar 2022. godine,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli (broj: UP-I/25-3-40-682-4/19 od 26.02.2020. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 06.06.2022. godine konstatovano je da je podnosilac zahtjeva Hodžić (Alije) Munib iz Breze redovno izmiruje svoje obaveze uplate posebnih vodnih naknada.

U skladu sa članom 12. stav (5) i (6) Pravilnika o sadržaju, obliku, uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak

predmetnog kompleksa objekata u ul. 6. aprila bb u Brezi te je sačinjen zapisnik o izvršenom uviđaju broj: UP-1/21-3-40-163-3/22 od 12.05.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni kompleks objekata zanatskog tipa vl. Hodžić (Alije) Munib iz Breze izgrađen je na desnoj obali rijeke Stavnje u urbanom dijelu općine Breza na oko 200m udaljenosti od regionalnog puta Breza-Vareš. U ograđenom prostoru izgrađen je sličan kompleks iste namjene vlasnika Hodžić (Alije) Salima.

U sklopu predmetnog kompleksa su izgrađeni sljedeći sadržaji: prostorija za klanje i rasijecanje trupla životinja, prostorija za preradu mesa, komore za hlađenje, štala za privremeni smještaj stoke, prostor za skladištenje sirove kože, kancelarijski i prostor za veterinara, septička jama. Instalirani kapacitet omogućava dnevnu proizvodnju i preradu oko 750-1000kg mesa. Prostor i instalirana oprema omogućavaju preradu svježeg mesa te proizvodnju čevapa, sudžukica, suhog goveđeg mesa i sl.

Snabdijevanje vodom za sanitarne i tehnološke potrebe kompleksa je obezbijeđeno priključkom na gradski vodovodni sistem a prikupljene sanitarno fekalne vode iz toaleta za uposlene se ispuštaju u septičku jamu.

Tehnološke otpadne vode nastale u prostoru za klanje i rasijecanje trupla životinje (pranjem i čišćenjem opreme i alata te pranjem radnih površina i podova prostorije), zajedno sa otpadnim vodama nastalim u prostoru za preradu mesa (pranjem mašina, alata i opreme za preradu mesa, pranjem radnih ploha i podova prostorije) se prikupljaju putem podnog slivnika sa rešetkom i kanalizacione mreže te odvođe na tretman u septičku jamu koja se čisti od strane firme «SCHAFFER» d.o.o. Ilijaš prema ugovoru (priložen račun o čišćenju broj: R-38/22 od 28.03.2022. godine i R-80/22 od 01.06.2022. godine). Ispuštanje otpadnih voda u rijeku Stavnju putem preliva, obilaznog voda i sl. iz septičke jame i sa prostora predmetnog kompleksa, nije obuhvaćeno ovom dozvolom i kao takvo je nedozvoljeno.

Za predmetni kompleks, od strane Agencije izdato je dana 26.02.2020. godine Rješenje o vodnoj dozvoli broj: UP-I/25-3-40-682-4/19 sa rokom važenja od 1 (jedne) godine. U toku uviđaja konstatovano je da je uslov definisan tačkom 3.2. Rješenja ispoštovan tj. blindiran je odvod/preliv iz septičke jame u rijeku Stavnju ali je utvrđeno postojanje još jednog ispusta manjeg profila uz sami blindirani ispušni poklopac koji također treba da se blindira. U septičku jamu se ispuštaju i otpadne vode nastale pranjem poda u dijelu objekta gdje se u betonskim bazenima skladište nasoljene kože. Kože se prodaju trećim licima. Stajsko đubrivo nastalo u depou za privremeni smještaj stoke se redovno sakuplja a potom odvozi na poljoprivredne površine. Prikupljena krv i klaonički otpad koji nastaje u proizvodnom postupku klanja životinja i prerade mesa se predaje Lovačkom društvu u Brezi i preduzeću «GOLD-MG» d.o.o. Donji Žabar gdje se isti zbrinjava u biogasnoj elektrani u vlasništvu preduzeća (priložen račun broj: 389 i 390/2022 od 25.05.2022. godine).

Oborinske vode sa krova i platoa klaonice se zasebnim kanizacionim sistemom prikupljaju i ispuštaju u rijeku Stavnju.

Prema Zapisniku Federalnog vodnog inspektora o inspekcijskom nadzoru broj: UP1-14-21-2-00085/2021-1406-P-1406-1-P urađenom dana 01.09.2021. godine, obilaskom terena utvrđeno je ispuštanje krvi u rijeku Stavnju iz cijevi koja je navodno blindirana nakon čega je uslijedilo Rješenje broj: UP1-14-21-2-05223/2021-1406-2-P od 13.09.2021. godine o zabrani ispuštanja tehnoloških otpadnih voda u prirodni recipijent. Inspekcijskim pregledom broj: UP1-14-21-2-05223/2021-1403-6-P od 05.04.2022. godine ponovo je utvrđeno ispuštanje otpadnih voda iz klaonice te je konstatovano da postavljeni poklopac nije hermetički zatvoren te kao takav nije odgovarajući.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije. Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, Hodžić (Alije) Munib iz Breze ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada

kompleksa objekata zanatskog tipa: Klaonica sa preradom mesa, depo za privremeni smještaj stoke i prostor za skladištenje kože izgrađenog u ul 6. aprila na zemljištu označenom kao k.č. broj 898 i dio 1044 K.O. Breza, općina Breza te je riješeno kao u dispozitivu ovog Rješenja.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-163-2/22 od 22.04.2022. godine.

Podnosilac zahtjeva je uplatio upravnu taksu u iznosu od 70KM U skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih
akata -


Haris Ališehović, dipl.ing.građ.



Dostaviti:

- Hodžić (Alije) Munib
ul Alije Izetbegovića br 76, 71370 Breza
- ⊖ AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava